

那文毅公奏議

那文毅公總統河南山東直隸軍務奏議卷三十二目錄

卷三十二

飭緝逆黨

那文毅公總統河南山東直隸軍務奏議卷三十二

男  
容安恭輯

飭緝逆黨

嘉慶十八年九月十九日軍機大臣字寄奉

上諭現在拏獲突入禁城滋事之犯究訊教首林清係八卦舊教今改名天理教散布各處有兌卦教頭目王忠順現在潼關等語除已降旨令朱勲查拏外那彥成過陝時路經潼關彼時如該犯尙未就獲並著在彼督拏務獲毋任他竄勾結如業已就獲卽迅速前赴河南軍營接辦剿捕可也

嘉慶十八年九月二十八日

奏二十七日未刻臣於安定途次接奉

上諭現在禁城拏獲匪犯究出兌卦教頭目王忠順現在  
潼關

令臣路經該處在彼督拏務獲欽此臣復奉

諭旨因三省軍務緊急

令卽星夜馳抵軍營臣已一面密差躡緝約三四日內卽  
可過陝當面告知護撫臣朱勲嚴密查拏臣仍兼程  
前進不敢少有遲緩謹

奏奉

硃批覽

謹按嘉慶十八年十月十三日

奏查河南之紅鬍子卽是地方匪類尋常爭鬪凶頑實  
係有之亦並無不法之心但此輩附近賊匪自必  
入夥今相隔尙遠似不能獨起滋事臣仍一面飭  
諭地方嚴查隨時留心辦理一面仍專人密訪稽  
查總之大兵全到一二仗內可以集事則各項匪  
徒不戢自靖謹

奏

謹按嘉慶十八年十一月初八日會同叅贊大

臣熱河都統高公杞固原提督楊公遇春奏內

奏

臣

奉

上諭收復滑城之後大兵須次第分撤查明該處有無成股賊夥慎密辦理一節仰見

睿畫周詳無微不至

臣

等查近滑城之桃源留固集八里

營等處賊匪夥黨已經官兵鄉勇次第殲除惟探聞附近濬縣之白茅莊等處尙有餘匪業已分撥兵勇馳往剿拏仍探明此外如有成股及零星賊夥亦卽派撥兵勇趕緊圍捕務期掃盡邪氛不留遺孽指日克復滑城大功告竣更當次第撤兵以

昭慎密仰副我

皇上諄諄誥誠至意所有遵

旨查辦各緣由謹會同恭摺覆

奏

謹按嘉慶十八年十一月初三日廷寄內奉

上諭其在京滋事之要犯祝現劉第五劉呈祥董博望克  
城時亦於活賊內嚴追如有捕獲者全行解京以便歸  
案訊辦盡法懲治彼時押解大員仍遵旨酌派長慶積  
德廣厚及慶祥等率領侍衛將領等嚴密押送勿稍疎  
虞倘此等著名賊目經官兵臨陣殲斃亦必須詳細辨

認毫無疑義一面戮屍梟示據實奏聞此四犯關係緊要若爾等率據將士等稟報含混入奏將來該逆犯又於他處拏獲則那彥成高杞楊遇春三人均不能逃罪勉之慎之

謹按嘉慶十八年十一月十一日廷寄內奉

上諭節次指名查拏賊目現在劉第五一犯昨已據章煦奏報在變城縣拏獲此外未獲各犯那彥成等務當於克城之日飭令將弁等按名拏獲詳悉辨認一切遵照前旨分別辦理并當於獲犯內詳加研訊究竟各處有無伏匿之賊及京城附近地方有無奸徒約會滋事



謹按嘉慶十八年十一月二十一日廷寄內奉  
上諭前此飭拏之在京滋事要犯內劉第五一名據直隸  
奏報拏獲是以降旨飭令停緝今審訊年貌不符並非  
正犯所有劉第五一名仍著那彥成於克城之日認真  
查拏

謹按嘉慶十九年正月初四日廷寄內奉

上諭所有單內未獲各賊斷不可任其一名漏網卽如祝  
現劉呈祥劉第五董博旺支進財五犯日久未獲昨訊  
據牛亮臣等犯供詞當大兵圍攻滑城之時該逆等原  
未敢逃往今大兵已撤該一帶本係伊等往來勾結之

所安知不又潛跡伏匿務須嚴飭地方文武各官加意  
躡緝勿稍疎懈

謹按嘉慶十八年十二月二十五日廷寄內奉  
上諭另單內簽出董博旺一犯已經徐鋌報獲之處本日  
據托津奏稱在彼時曾將此犯審訊尙不確實那彥成  
仍當一體飭緝爲要

謹按嘉慶十九年正月初五日奏內

奏查董博旺卽董博望一犯正定鎮徐鋌所護旣非正  
賊另再查明嚴緝

謹按嘉慶十八年十一月初一日廷寄內奉

上諭再本日據衡齡奏稱代州地方官盤獲賣字人孫國柱一名在該犯身邊搜獲大順通寶錢一枚訊係聽從教頭周泳泰入天理教令其赴山西口外探聽路徑並據供稱本年九月初三日該犯在正定遇見周泳泰並同教之大名府人高泳魁杜文禮張如九歸德府人王喜增吳士魁杜起恒同在一處周泳泰告知要到彰德府東門外約會聚人令該犯於十月二十邊趕到彰德府回話該犯身穿兜肚內所帶大順通寶錢一枚係周泳泰給爲記號將來僞號大順等語彰德地方距滑縣甚近該犯周泳泰既有在彼約人之事此時或投入夥

黨或尙在彰德等處潛匿均未可定已有旨諭知方受  
疇派員密拏著那彥成亦留心訪查於獲犯內嚴訊有  
無周泳泰在內或有知其下落者卽密速擒捕就獲後  
訊供迅速奏聞再彰德一帶既有賊匪黨與指日收復  
滑城大兵須次第分撤查明該處有無成股賊夥慎密  
辦理

謹按嘉慶十八年十一月初八日奏內

奏奉

上諭代州盤獲孫國柱一名據稱教頭周泳泰要到彰德  
府東門外聚人彰德距滑縣甚近著留心查訪於獲犯

內嚴訊下落一節臣等亦卽一併查訪根由另行具奏

謹按嘉慶十八年十一月二十日奏內

奏查周泳泰一犯已密劄原籍之安徽泗州嚴行查緝一面另行派員由彰德至正定一帶確查具報奉  
硃批覽

嘉慶十八年十一月初二日奉

上諭昨據山海關副都統額勒金布奏稱盤獲長垣縣人李得水解京審訊現據該犯供稱年五十歲在長垣縣李家寨居住離城三十五里本年四月初十日有河南

太康縣賊目趙得隴趙得鳳徐茂恭率領二百多人來村搶掠聚至三千餘人九月初七日大頭目趙得隴二頭目趙得鳳三頭目徐茂恭帶領入長垣縣城搶庫劫獄把囚都放走又把知縣家屬殺害彼時知縣在東門外東關堂兒也被趙得隴殺死初十日官兵同趙得隴們打了一仗殺傷了有一千餘人官兵傷了二三百人當日趙得隴趙得鳳徐茂恭帶着他們的人還有裏脅的二三十個人先後逃至黃河邊見水過去到太康縣陳家莊趙得隴趙得鳳家中住了三天別人都四散逃了趙得隴等因相聚五六個月因我老實差我並張大

小子張二小子劉榮翟海狗王魁元王二元分往各處  
送信糾人於臘月初二日進京造反我由鐵嶺縣送信  
回來走到冷口就被盤獲趙得隴外號白大將軍河南  
太康縣陳家莊人年三十五歲病黃色臉無麻八字鬚  
趙得鳳亦係陳家莊人年三十歲身中白麻面無鬚徐  
茂恭亦係太康縣城內人約年三十多歲黑圓臉八字  
鬚無麻等語直隸長垣地方自四月間卽有河南太康  
縣匪徒趙得隴等糾衆三千餘人肆行焚掠半年之久  
何以未據直隸奏報著托津那彥成將此事詳細確查  
如果屬實該縣諱匿不報查明係何員任內之事若係

知縣趙綸任內之事即將該故員應得卹典概予停止如係別員任內即將知縣查明革職鎖拏訊明嚴辦該管總督藩臬毫無知覺亦據實嚴參如知縣業經稟報而上司匿不查辦著查明該縣申報係何衙門即將原稟批詞呈覽若上司係溫承惠素納慶格卽傳旨革職拏問無稍徇隱自罹欺君重罪再該犯趙得隴等在長垣滋事之後現在或仍潛匿太康或已投入滑縣賊夥均未可定著托津那彥成於剿賊時向俘獲活賊嚴切訊究無令漏網如於賊營拏獲卽訊錄確供由五百里具奏



謹按嘉慶十八年十一月初六日廷寄內奉

上諭再據山海關盤獲匪犯李得水供出河南太康縣有賊目趙得隴趙得鳳徐茂恭三名由太康縣陳家莊原籍遣人四出糾約該犯等現往遂平縣小鐵梁地方等候回信遂平在太康縣之西相距二三百里趙得隴等三人於山坡築屋數間常在彼密商謀逆情事已降旨飭令方受疇遴派委員前往密拏該督此時攻圍滑城計日可克著先揀派精細明幹員弁改裝易服前往太康遂平密行偵探趙得隴等三人踪跡如尙在本地潛伏則方受疇卽能設法掩捕倘該匪等糾約黨夥已多

竟有蠢動情形著該督於收復滑城後彼時河北賊匪業已辦竣卽帶領勁兵前赴河南就近勦辦毋稍遲疑致令蔓延又滋後患

嘉慶十八年十一月十一日

奏

臣

那彥成前奉

上諭以山海關副都統額勒金布具奏盤獲長垣縣人李得水供稱本年四月有河南太康縣賊目趙得隴趙得鳳徐茂恭率領多人來村搶掠聚至三千餘人九月初七日入城搶庫劫獄把知縣殺死家屬殺害官兵打仗殺賊一千餘人趙得隴等逃到太康陳家莊等語長垣

地方自四月間卽有河南太康縣匪徒糾衆焚掠半年之久何以未據直隸奏報著托津那彥成詳細確查欽

此查溫承惠現在軍營臣當卽詳細面詢據稱本

年四月間實無趙得隴等在長垣糾衆焚掠之事

亦無地方官稟報臣誠恐溫承惠飾詞迴護而臣

行營並無隨帶直隸總督衙門檔案無從檢對當

卽飛移章煦覆稱細查本年四月以後並無長垣

縣稟報太康匪徒聚衆焚掠之案面詢臬司道府

咸稱毫無影響至長垣縣知縣趙綸於九月初六

日出城赴葦園村查拏教匪被戕並非在署被殺

縣城及倉庫監獄同知縣家屬現在並未賊劫  
取殺害等語是李得水所供全屬子虛毫不足信

臣  
惟當遵

旨於俘獲活賊內留心訊究該犯趙得隴等現在踪跡嚴  
拏究辦謹

奏奉

硃批長垣一節全係謠言趙得隴三犯必須嚴緝

嘉慶十八年十一月十一日

奏奉

上諭以山海關獲犯李得水供出太康賊目趙得隴等道

人四出糾約在遂平縣小鐵梁候信已飭方受疇派員  
密拏著臣那彥成先派員弁前赴太康遂平偵探踪跡  
欽此臣現已密派精細明幹之員弁改裝易服馳往偵  
探俟得有確信卽行

奏

聞謹

奏

謹按嘉慶十八年十一月十一日廷寄內奉

上諭前山海關獲犯李得水供稱曾赴盛京開原鐵嶺一  
帶糾人本日又有獲犯邢幅安供稱前赴關東水泉子

三家子送信或係滑縣逆匪聞有調發東三省官兵之  
信心懷畏懼故遣人四出播散謠言以爲關東現有賊  
夥約日起事希冀將東三省官兵停止前往亦未可定  
著那彥成等於獲犯時並研訊賊目中有無分遣夥黨  
赴京造言緩兵之計如詆有確供亦迅速奏聞提質李  
得水以辨虛實

謹按嘉慶十八年十一月二十日奏內

奏奉

飭發各處潛匿賊目名單查趙得隴趙得鳳徐茂恭等三

犯先經密委幹員於太康之陳家莊一帶細加確

訪茲據委員查覆並無踪跡又據陳州府稟稱該府周歷四鄉弔查戶口影響全無等情惟派往遂平之委員尙未稟覆臣仍密飭確查一面飛催衡齡於山西之潞城小鐵梁趕緊查拏飛報謹

奏

嘉慶十八年十一月二十一日

奏奉

旨飭查各處潛匿賊目內趙得隴趙得鳳徐茂恭三犯據

委赴遂平縣之守備黨德用覆稱在於遂平四境之嵯岬山玉山土山鳳凰山等處週歷查訪並無

小鐵梁地名亦無該犯等姓名踪跡實屬影響全  
無等情是山海關獲犯所供似不足信查衡齡已  
經奏明惟山西潞城縣有小鐵梁地名臣先已飛  
移查拏具報現復移催趕緊領緝務獲究辦謹

奏奉

硃批甚是

謹按嘉慶十八年十一月三十日奏內

奏二十四日先奉

上諭劉綢明帶領夥賊西竄有呂均台王學義羅綢旺王  
金斗朱克俊等同行欽此臣等查朱克俊卽係朱老秀



營中節次獲賊僉供無異今已在司寨殲斃外又  
據現獲賊目中文顯供稱呂均台維惘旺二犯均  
係劉惘明手下兌卦頭目各管四五百人俱於十  
九日在白土崗中鎗身死王金斗一犯係王修治  
手下巽卦頭目管三百人於十九日中箭身死并  
據現獲賊首秦理供稱王學義亦於司寨燒斃等  
情所有奉

硃

旨飭獲各犯現據賊供查核確實共已殲斃八名同此外  
未著名而殲獲及未經殲獲者一併開單恭呈

御覽並繕賊首秦理供單另封進

呈

據秦理卽秦學會供年三十三歲濬縣人並無父

母兄弟妻子曾充本縣皂役我自祖父以來就習

白蓮教後改名八卦教嘉慶七年滑縣庫書牛亮

縣城內

臣因欠公項逃走出外到十四年就帶林清來滑

縣傳教林清說他前身是劉奉天爲先天教主今

世爲後天教主是八卦總教頭又是陰卦主并說

現在解寧

滑縣人馮克善是陽卦主山東濟寧州人王祥是

已病死

武卦主又說滑縣人李文成卽李四木匠是真主

硃

已離鄉

係明朝李自成轉世又是文卦主僞天王子克敬

硃

硃

硃

硃

硃

硃

硃

硃

爲地王馮學禮爲人王他三人都管着八卦每卦

已焚燬

又另有一王離卦王是王道濬艮卦王是劉宗順

現在滑縣城內

現在滑縣城內

震卦王是宋克俊卽宋老秀乾卦王是壽光德坤

已焚燬

現在滑縣城內

現在滑縣城內

已焚燬

已焚燬

卦王是爲相林巽卦王是王修治兌卦王是劉棚

現在滑縣城內

明坎卦王先是尹老德死後是他兒尹振衆人都

稱林清爲聖人每年斂有銀錢交李文成收取或

現在緝拏

現在滑縣城內

着李文成義子劉成章或着宋元成卽宋老占或

着我陸續送交林清家內也有林清親自來取的

今年七月間李文成着我同劉成章送銀五百兩

到京南宋家莊林清家內林清住的是劉呈祥的

現在緝拏

硃

房子林清外甥董幗泰還有鑲藍旗人陳第老的

兒子陳文魁都是林清義子我在林清家曾經見

過又有太監劉金劉得才王福祿高貴和與林清

硃

來磕過頭並送過林清車輛銀兩還聽說劉成章

要到刑部監內找監犯焦成方因刑部門上阻擋

未曾進去的話林清約定九月十五日大家起手

鬧事叫我同劉成章於七月裡先回來告知李文

成林清也隨後來到滑縣見過李文成就同馮克

善往山東繞道回京去了不料我們教內人因打

造軍器被滑縣老岸司劉巡檢查出告知強知縣

殊

知縣九月初三日將李文成拏去審問用過夾棍  
又打了六七百棒李文成供認白蓮教造反屬實  
劉成章那時就先逃走了至今不知下落同教宋  
元成卽宋老占商同李文成外甥徐老四徐老五  
徐老八等於初七日早入城殺官劫獄救出李文  
成就佔了滑縣並道口兩處尊李文成爲主封牛  
亮臣爲宰相宋元成爲總元帥我爲提調兵馬總  
先鋒八卦主都爲官王每官又有卦伯記不清名  
字各在桃源四間房東湖南湖留固集八里營王  
家道口潘章等村莊裏人充頭陣陸續聚會記不

硃

已焚燬

清多少人數滑縣鬧事後有山東人朱英卽朱娃

已焚燬

同兄朱成方帶了多少人來投李文成入夥李文成得了滑縣後原想攻破濬縣因官兵把守嚴緊不能打破後被官兵破了道口來圍滑縣李文成帶同衆人往桃源朱克俊窩屯商議救護滑縣城不料又被官兵把桃源留固一帶窩屯盡行打散朱克俊劉輻明們又陸續收聚一千數百人保着李文成往長垣封邱延津陽武一帶擄掠奔跑李文成兩腿俱受刑傷不能騎馬係坐大車沿路有同教的人就跟着走又裹脅百姓連同教共有三

四千人原想直奔太行山屯聚再來接應滑縣不料前有官兵攔住就折向輝縣到了山口李文成就棄了車輛用簸籬抬著進十八盤山到林縣臨淇鎮焚搶聞得前有官兵退回司寨把守又被官兵從北面追至山內十九日在白土岡打仗死了二千多人頭目戰手殺死甚多止剩八百多人保着李文成躲入司寨堡內被官兵圍住攻打二十日寨子破了四面火起李文成躲入民房樓上官兵擁入李文成見無生路就叫衆人一同放火衆頭目王學義王學成宋克俊李相韓義書徐老四

徐老五徐老八楊文治同牛亮臣之子牛文成王  
修治馮學禮朱成方們連朱英卽朱娃一併燒殺  
在內我同頭目申文顯劉幘太韓得衆衛陽們從  
內逃出被官兵擒住頭目呂均台羅旺王金斗都  
在外殺斃武卦主王祥是四月間早病死在滑縣  
城內地王于克敬早在濬縣山上打仗被官兵殺  
斃現在滑縣城內只有牛亮臣徐安幘宋元成三  
個大頭目其餘的都不能管事李文成並無兒子  
只有一妻不知何氏有一女年約十四五歲一個  
姪兒年僅十一二歲都在城內並未帶出同逃至



現在京城內外尙有何人伏着我實不知道其餘  
蒙查問各處的人我也不知他們踪跡不敢混供  
我們這教內的人信林清並李文成的話如今爲  
頭的二人已死這教也就散了所供是實

謹將節次殲斃及擒獲賊首姓名開具清單恭呈

### 御覽

李文成

逆首僞稱天王已在輝縣司寨殲斃

于克敬

僞稱地王早在濬縣浮邱山上殲斃

馮學禮

偽稱人王已在輝縣司寨焚斃

王祥

偽稱武卦主已於四月間在滑縣城內病斃

劉咽明

偽封兌宮王已在輝縣司寨殲斃

宋克俊卽宋老秀

偽封震宮王已在輝縣司寨焚斃

王修治

偽封巽宮王已在輝縣司寨殲斃

呂均台

偽封坤宮伯已在輝縣白土岡殲斃

王學義

偽封兌宮伯已在輝縣司寨焚斃

王金斗

偽封巽宮伯已在輝縣白土岡殲斃

羅幗旺

偽封乾宮伯已在輝縣白土岡殲斃

劉二當家

偽封坤宮伯不知名字訛係劉幗明之弟已

在陽武縣延州集殲斃

魏合中

偽封坎宮伯已在道口擒獲正法

韓義書

偽封離宮伯已在輝縣司寨焚斃

張法宗

偽封震宮伯已在濬縣白茅莊擒獲正法

史泳固

偽封乾宮伯已在滑縣八里營擒獲正法

楊文治

偽封離宮伯已在輝縣司寨殲斃

申文顯

偽封兌宮伯已在輝縣司寨擒獲正法

余士林

偽封元帥已在滑縣桃源擒獲正法

單應乾

偽封元帥已在濬縣後寨擒獲正法

王法祥

偽封先鋒已在滑縣南湖擒獲正法

韓得衆

偽封總兵已在輝縣司寨擒獲正法

李相

係頭目已在輝縣司寨殲斃

朱成方

係頭目已在輝縣司寨焚斃

張有德

係頭目已在滑縣南門外擒獲正法

周鼎新

係頭目已在滑縣丁樂集擒獲正法

馬魁

係頭目已在滑縣丁樂集殲斃

周三年

係頭目已在濬縣道口擒獲正法

史國賢

係頭目已在濬縣道口擒獲正法

魏升文

係頭目已在濬縣道口殲斃

魏幗亮

係頭目已在濬縣道口殲斃

單六

係頭目已在濬縣道口焚斃

郭應魁

係頭目已在滑縣中市所殲斃

王宗湯

係頭目已在滑縣中市所擒獲正法

張循志

係頭目已在滑縣中市所擒獲正法

張二奇

係頭目已在濬縣墨子村擒獲正法

焦向中



係頭目已在濬縣壘子村殲斃

宋張氏

係頭目已在滑縣留固集擒獲正法

陳咬金卽陳大嘴

係頭目已在滑縣八里營擒獲正法

張文

係頭目已在滑縣八里營擒獲正法

張裴書

係頭目已在濬縣道口焚斃

劉珍

卷三十一  
三  
係頭目已在陽武縣延州集殲斃

趙美林

係頭目已在滑縣桃源擒獲正法

謝繼有

係頭目已在滑縣中市所殲斃

牛添柱

係頭目已在濬縣道口擒獲正法

翟布停

係頭目已在濬縣聶渡殲斃

朱子貴

係頭目已在滑縣北門外殲斃

張會元

係頭目已在滑縣曹起營擒獲正法

劉成

係頭目已在濬縣道口擒獲正法

謝玉太

係頭目已在濬縣道口擒獲正法

衛揚

係頭目已在輝縣司寨擒獲正法

劉致公

係頭目已在滑縣道口擒獲正法

余長松

係頭目已在滑縣留固集擒獲正法

范二毛

係頭目已在滑縣八里營擒獲正法

崔熊文

係頭目已在滑縣桃源擒獲正法

曲朝牛

係頭目已在滑縣道口焚斃

景習誠

係頭目已在滑縣中市所擒獲正法

劉計唐

係頭目已在濬縣道口殲斃

史壽妮

係頭目已在濬縣聶渡淹斃

劉二馬羣

係頭目已在濬縣聶渡淹斃

單喜妮

係頭目已在濬縣道口殲斃

于幗青

係頭目已在濬縣道口殲斃

靳有得

係頭目已在濬縣道口焚斃

黃輞保

係頭目已在濬縣道口焚斃

何五云

係頭目已在濬縣北門外殲斃

左輞山

係頭目已在濬縣道口擒獲正法

丁兆奉

係頭目已在濬縣道口擒獲正法

盧春妮

係頭目已在濬縣白茅莊擒獲正法

王小眼

係頭目已在滑縣中市所殲斃

朱基祿

係頭目已在滑縣中市所擒獲正法

史作柱

係頭目已在濬縣聶渡擒獲正法

劉幗太

係頭目已在輝縣司寨擒獲正法

王學成

係頭目卽王學義之弟已在輝縣司寨焚斃

黃興相

係頭目已在濬縣道口焚斃

徐老四

徐老五

徐老八

俱係李文成之甥已在輝縣司寨焚斃

牛文成

係牛亮臣之子已在輝縣司寨焚斃

朱英卽朱娃



係朱成方之弟已在輝縣司寨焚斃

宋林梅

係宋元成之子已在輝縣司寨擒獲正法

秦理卽秦學曾

僞封總先鋒已在輝縣司寨擒獲候訊

未經擒獲著名各犯

牛亮臣

徐安輞

宋元成卽宋老占

壽光德

馮相林

劉宗順

王道濬

尹振

以上八名訊據犯供現在滑縣城內

祝顯卽祝現

劉第五

劉呈祥

董博望

劉成章

王忠順

王進道

黃興宰

余 七卽余第七

趙得隴

趙得鳳

徐茂恭

王 倫

趙得一

以上十四名現在緝拏

嘉慶十八年十二月初五日

奏前據山海關獲犯李得水供出之趙得隴趙得鳳徐

茂恭等三犯奉

旨查拏當經

臣

委員密訪太康遂平二處並無小鐵梁地

名亦無該犯等踪跡惟查衡斷前奏山西潞城縣

有小鐵梁地方

臣

已移催衡斷飛速查拏一面覆

奏奉

硃批甚是欽此茲於司寨拏獲賊首秦理所供教匪傳教

及起事情節較爲詳細因思秦理熟悉賊中情形

或趙得隴等犯踪跡亦所知悉現復訊據供稱趙

得隴卽趙福趙得鳳卽趙祿實是直隸長垣縣人  
並非河南太康縣人手下有張大小子張二小子  
於九月初十前帶人來投李文成入夥曾說在長  
垣縣鄉莊戕害知縣之事後來趙得隴在滑縣北  
門打仗被官兵殺死趙得鳳張大小子張二小子  
三人同李文成逃到輝縣司寨趙得鳳在寨內燒  
死張大小子張二小子都在寨外殺死却不知徐  
茂恭又是何人現在何處等供

臣查奉

旨飭拏之趙得隴前據李得水在京供出係河南太康縣  
陳家莊人今秦理供稱該犯等係直隸長垣縣人

已屬不符且稱趙得隴趙得鳳另有趙福趙祿之名亦難憑信現在司寨賊屍枕藉相距十餘日之久亦難檢出屍身令泰理再行辨認惟所供之張大小子張二小子係趙得隴等手下賊夥則與李得水在京供指無異似又可信臣仍當留心訪查不敢疎懈謹

奏奉

硃批刑部知道

嘉慶十八年十二月初五日軍機大臣字寄奉

上諭衙齡奏於陵川地方捕獲司寨竄匪牛世旺據供於

十一月間在封邱途遇馮克善之兄馮老六當經派同李文成妻弟趙得隴僞號白大將軍竄至司寨趙得隴白巾白袍在寨外被官兵放鎗擊斃詰以趙得鳳徐茂恭下落據供頭目內有徐姓不記名字另有小徐當家年十八九是徐安幘之子至趙得鳳並未見過等語李文成之妻係屬何氏是否實係趙姓有弟名賴得隴著那彥成於獲犯內詳查具奏趙得隴一犯既有其人則趙得鳳徐茂恭二犯諒亦必有著於攻克滑城時留心查驗

謹按嘉慶十八年十二月初五日廷寄內奉

上諭再據董綱太供出有安懷普一犯係滑縣人郭名如  
一犯係濬縣人皆李文成手下頭目去年秋間曾至林  
清家中那彥成所開賊目單內查無其人並著一體留  
心查緝毋任漏網

嘉慶十八年十二月初九日

奏爲遵

旨覆奏事本月初八日欽奉

上諭以衛齡獲犯牛世旺供出趙得隴在司寨被官兵鎗  
斃等情臣查前據獲犯秦理供稱趙得隴在滑縣北門  
外打仗被官兵殺斃趙得鳳在司寨燒斃張大小



子張二小子在司寨殺斃並不知有徐茂恭其人等供業經奏

聞在案今牛世旺所供趙得隴係在司寨鎗斃地有不同似該犯兄弟二人均已斃斃又查趙得隴並無偽號白大將軍之說若以該犯白巾白袍而言則教匪中之穿戴白色者不知凡幾自係牛世旺附會游供又徐茂恭一犯及在城之徐安棚有無幼子號小徐當家者查訪均無踪跡其李文成之妻係屬張氏臣早經查明是趙得隴趙得鳳並非李文成之妻弟所有徐茂恭一犯同滑縣人安懷普瀆

縣人郭名如均卽遵

旨嚴行查緝不敢疎懈謹

奏奉

硃批覽

嘉慶十八年十二月十七日

奏<sub>臣</sub>等欽奉

上諭飭拏董囑太在京供出之安懷普郭名如二犯查該  
二犯已於克城之日均經官兵殲斃謹

奏

謹按嘉慶十八年十二月二十一日奏內

奏查額勒金布具奏拏獲葛洪才供出王見思送信糾

人從海道至東昌高唐會齊進京滋事一節

臣思

硃

山海關前此盤獲之李得水邢欄安二犯在京節

已監候

次供詞多有不實已蒙

硃聖明燭鑒今所供由船廠而至山東航海謀逆船隻礮火

原不可信

平民製辦豈易能爲且所供東昌等處去海道亦

太遼遠揆其情事殊不可深信然無論其有無總

亦斷不敢稍存大意除委員馳往東昌一帶密探

外并飛札同興囑其於沿海口岸加謹巡防隨時

知會又查訊賊匪一節

臣

等先因投出難民婦女

硃

居多間有二三千男子恐有正賊及賊犯家屬混迹是以選派幹員三十餘人晝夜審訊逐加辨認內究出正賊實有四百餘人并賊犯家屬亦有七八十人在內業已分別辦理惟難民人數太多或有裹脅餘犯假冒脫逃誠如

聖訓亦不過幸免伏法至著名兇悍之賊盡人共知實無一名漏網業經開具已獲未獲名單恭呈

御覽此外再無緊要頭目至難民投出之時及續行出城者鋒鏑所加實難免不分玉石等旋即分別男女設廠安頓派委員弁看守逐一查訊如有家屬

親友認識者准予保回是以被難民人無不感激  
皇恩涕零如雨其城內搜捕餘匪除奏明擒獲五百餘人  
外連日又搜出三百三十一名均係無名賊匪多  
在地窖之中搜出亦卽審明正法並無難民在內  
足以仰慰

聖主痼瘼在抱區別良莠至意

臣等兩奉

諭旨嗣後於獲犯訊供惟有慎之又慎不敢縱脫要犯尤  
不敢戮及平民總當凜遵

指示倍加詳細推鞠

臣蒙

恩總統軍務兩月以來秉承

聖訓殫竭愚忱幸而集事一切更不敢憚煩草率仰負

聖主委任之重至賊首除僞稱三王八卦王外其餘僞卦

伯者不一而足卽如馮克善在京所供八卦伯僅

止六十四人而

臣

等節次殲獲及直隸山東殲獲

所稱某宮伯者不止三百名情節又不相同且滑

城內外賊屍狼籍焦爛似此無從辨認者亦復不

可勝數

臣

前此開單所奏如已殲擒之李冬狗張

大小子張二小子邢二瞎子之類皆不列入單內

臣

亦以此等無名賊夥開不勝開之故八宮伯亦係

小賊並非著名應請無庸再行開單以免重複

臣

等現仍駐兵滑縣嚴行彈壓一面將善後事宜悉心妥辦以圖久安長治之計萬不敢稍有率急其大名鄆城東昌德州景州故城一帶另再次第巡查一律辦理謹

奏

謹按嘉慶十八年十二月二十五日廷寄內奉上諭又據那彥成覆奏查拏逸犯一摺山海關節次盤獲各犯初供甚爲鑿鑿及研訊大半子虛所有前此李得水邢綢安及葛洪才等供出應拏之犯殊難信其必有那彥成等惟當飭令地方官通行訪緝無俾株連至所

奏殲除賊目甚多如八宮伯之類素非著名無庸再行  
開單等語賊匪既有偽封自係有名賊目若不逐一詳  
查目前既恐漏網日久有慮滋蔓那彥成仍當遵照前  
旨確實查明分別已獲未獲已殲未殲據實查奏以憑  
核對其已獲已殲者即可諭令各省停緝其未獲未殲  
者亦可指名嚴拏

謹按嘉慶十八年十一月二十日奏內

奏王倫一犯據獲犯邢幅安所供住居離滑縣二百餘  
里西山內查滑縣西界並無管轄至二百餘里之  
寬濶所供西山或卽指太行山而言已令衛輝府



知府郎錦騏委員確訪并於獲犯內研訊此外各處有無伏匿之賊京城附近有無奸徒約會滋事及賊目中有無遣夥赴京造言緩兵之計另行分別具

奏

謹按嘉慶十八年十一月二十四日廷寄內奉  
上諭至前經降旨飭拏之王倫一犯前據那彥成等奏稱  
已派衛輝府郎錦騏就近訪拏著那彥成再添派幹員  
前往躡緝如有聚衆抗拒情形再行派兵勦捕毋稍疎  
忽

嘉慶十八年十二月初九日

奏奉

旨飭拏王倫一犯經臣先後將飭令衛輝府及另派委員等嚴密訪查覆奏在案嗣准方受疇恭錄

上諭移咨內稱山海關獲犯邢懶安供出滑縣人邢二瞎子邢不賢邢三黑子邢歪脖子及程進水李冬狗牛老安等各犯均係王倫夥黨等情臣當卽一併委員查拏茲查出程進水一名係滑縣小梧莊人因伊父程百祥聽信同莊于鳳山傳習真空家鄉無生父母八字歌訣程進水知爲邢教不肯依從

九月間于鳳山帶賊到莊將程百祥同程進水及  
伊弟程進德程進秀裹脅入夥同李冬狗一處並  
未打仗伊父程百祥旋即病斃程進水不甘從賊  
暗與伊弟及被脅之蔣倍川胡太會及族弟程進  
嶺等商議殺賊投官十月十九日知縣孟岷瞻帶  
領鄉勇至丁樂集劄營勦賊程進水乘夜投出求  
作內應孟岷瞻許以如能殺賊不但免死且可立  
功程進水回至莊內將賊衆烏鎗二十餘桿先行  
藏匿一面放火一面將于鳳山用刀砍斃李冬狗  
上前救護亦被程進嶺殺斃孟岷瞻率領鄉勇進

莊攻打將賊勦散遂留程進水隨營充當鄉勇後  
於留固集八里營等處勦賊俱充頭陣孟昝瞻具  
稟臣欽遵前奉

諭旨棄械投出者應免死罪該犯程進水被裹入夥不甘  
從逆且能殺賊應官隨同鄉勇屢次充當頭陣尙  
屬向義出力且並非頭目緊要之人此時隨營鄉  
勇卽有數千若將出力之人再究前罪與前奉  
硃諭旨相違而人數衆多亦有關係可否將該犯程進水免  
此是其究辦之處伏懇

皇上施恩臣仍時時留心不敢少有疎忽至案內李冬狗

一名已經殺斃其餘邢二瞎子邢不賢邢三黑子  
邢歪脖子牛老安等據程進水供稱均不認識卽  
邢幗安亦不相認詰以首犯王倫姓名踪跡更屬  
茫然查現據輝縣稟報緝獲王倫一犯訛係原名  
王倫後因山東賊匪王倫作亂改名王成查身材  
年歲相符住址互異係一樸實農民等情已經方  
受疇提省審辦恐有不實臣仍當督飭衛輝府縣  
及委員等另再切實訪查務期首夥盡獲俾無縱  
漏又山東之朱成貴一犯前准同興移咨係逃往  
滑縣惟遍訊獲犯並無知者是以臣前呈秦理供

單內未經開入謹

奏

謹按嘉慶十八年十二月十二日廷寄內奉

上諭那彥成另片覆奏查緝各犯內程進水一名被裹陷入賊巢既經殺賊投出復屢次充當頭陣應免其究辦如再有殺賊立功之處卽拔補營弁均無不可

謹按嘉慶十八年十二月十一日廷寄內奉

上諭其卅二瞎子一犯係王倫傳教徒弟並著飭緝務獲該督等於獲犯後隔別研訊確供速奏以便將現獲各案犯次第問擬完結以靖訛言

謹按嘉慶十八年十二月十七日奏內

硃 奏查邢二瞎子

一犯現亦拏獲

據供名邢紀元行邢歪

脖子名邢單貴同邢不賢邢三黑子俱是族人一

同習異卦教卦頭是王修治曾到過我家念經與

王倫並不認識並無來京念經之事族中亦無邢

懶安名字我在城時聽說邢歪脖子邢不賢邢三

黑子三人都被官兵殺死十三日我被官兵查獲

因憐我瞽目饒了性命帶領出城此外別人我並

不認識等情

硃 臣

查前獲王倫一犯已經方受疇提

省審訊今邢二瞎子

硃 供稱與王倫並不認識恐有

不實之處合懇請旨行下該部知道欽此

狡展現已將邢二瞎子解交方受疇質訊辦理謹

奏奉

硃批刑部知道

謹按嘉慶十八年十一月二十一日廷寄內奉

上諭據章煦奏磁州賊目趙得一現在獲伊子趙全供稱

伊父現在滑縣從逆併著一體查拏務獲勿任漏網

硃謹按嘉慶十八年十二月初九日奏內  
最要

奏趙得一犯是否實在滑縣城中亦未確實是以單

內列入緝拏未列牛亮臣等之次統俟克復滑城

後逐加搜捕務獲究辦謹



奏

謹按嘉慶十八年十二月十二日廷寄內奉

上諭其朱成貴趙得一二犯據直隸山東訛明確在滑縣城中那彥成等仍當留心查緝毋令漏網

謹按嘉慶十八年十二月十五日奏內

奏查奉

旨飭拏之磁州趙得一一犯已在滑城殲斃又朱成貴一犯亦經生擒訛係在定陶戕官劫獄在逃要犯已將該犯凌遲梟示其餘殲斃各小頭目不可勝數屍骸枕籍實亦無從辨認其生擒者均已遵

旨就地正法謹

奏

嘉慶十八年十二月初二日軍機大臣字寄奉

上諭同與奏訊據獲犯朱躍瀝供稱賊目馮克善於十月間自滑縣逃出十一月間由該犯家起身赴山西蒲州解梁找伊師傅唐鬍子曾言唐鬍子要保朱鹽霜又名朱大桃約定於十二月十九日從解梁起手等語現已降旨諭令衡齡密委幹員前往解梁密拏唐鬍子及馮克善各犯如有拒捕情形該省一面帶兵擒捕一面知會卞彥成派兵協助該督接奉此旨著先行派人前赴

硃

迅速

晉省密行偵探倘衡齡派員往捕該犯等竟有蠢動情  
形無論滑城曾否攻克卽令高杞分帶得力將領抽撥  
吉林黑龍江各處勁兵迅速前往剿辦勿稍稽遲若稍  
因循重治高杞違旨之罪斷不姑恕

嘉慶十八年十二月初五日

奏本月初五日奉

上諭飭令迅速差人前往山西解梁密探馮克善唐訥子  
各犯踪跡倘有蠢動卽令高杞帶兵速往剿辦欽此

臣

那彥成於接得同興咨文時已派人前往今奉

諭旨卽刻又遴派幹員熟悉晉省情形者飭令改裝易服

星夜趕赴解梁一帶密速偵探倘有蠢動臣高杞  
卽當分帶官兵星馳剿辦斷不敢稍有因循上煩

睿慮謹

奏

嘉慶十八年十二月十二日會同熱河都統高公

杞固原提督楊公遇春

奏爲遵

旨覆奏事本月十二日欽奉

上諭馮克善雖已就獲唐嗣子尙在解梁著高杞酌量帶  
兵向晉省緩程行走萬一有蠢動信息迅速馳赴剿辦

欽此臣高杞隨與那彥成商酌卽將山西官兵一  
千名帶領赴晉於十三日起身緩程前進俟衡齡  
知會如唐鬍子果有蠢動情形立卽星夜馳往督  
率勦辦不敢稍有稽延如唐鬍子業已就獲地方  
無事臣高杞卽由山西回京復

命至托津卽日可抵滑縣所有善後事宜臣那彥成另容

妥議謹

奏

嘉慶十八年十二月十一日軍機大臣字寄奉

上諭昨日直隸省將馮克善解京當卽交刑部訊問伊師

唐鬻子下落據供唐鬻子卽唐恒喜係滑縣朱兆村人  
年五十餘歲身中黃鬻子素開藥店生理曾經教伊鎗  
法此時現在朱兆村該犯於八月九月見過兩次並未  
出門並稱前在德州見朱躍濫時因欲朱躍濫多幫盤  
費故捏稱前往山西解梁找尋伊師約期起事其朱鹽  
霜卽朱大桃亦並無其人皆伊隨口編造等語唐鬻子  
一犯旣在滑縣著那彥成卽派委委員前赴朱兆村嚴  
密擒捕就獲後訊取確供飛速奏聞如已入滑城從賊  
並著於克城後留心查緝務得真實下落那彥成等於  
緝獲該犯時知照衡齡停緝高杞亦毋庸前往

嘉慶十八年十二月十四日會同叅贊大臣固原

提督楊公遇春

奏為拏獲要犯唐鬍子恭摺馳奏事竊查欽奉

上諭飭拏馮克善之師唐鬍子一犯臣那彥成專差密訪

知該犯現在離城十八里之朱兆村居住隨密派

遊擊馬光宇帶領兵勇前往拏獲唐鬍子即唐恒

樂到營臣當即提訊據供滑縣朱兆村人年六十

二歲未經入教平日學過拳棒馮克善係我徒弟

亦會拳棒牛亮臣曾經認識却未往來九月初七

日牛亮臣聞事時我躲避本村並未從賊向來從

硃

硃

硃

硃

硃

硃

未到過山西不知朱鹽霜朱大桃係何等人也無  
知會馮克善向解梁地方找我之事等供詰以馮  
克善從賊謀逆情節堅稱不知該犯既係馮克善  
之師又與牛亮臣同縣認識明係賊匪一黨惟牛  
亮臣甫經起解該犯拏獲在後未便追回對質該  
犯顯因無人質証以致供吐不實查馮克善現已  
解京不難質訊虛實茲將唐鬍子一犯嚴加鎖銬  
裝入木籠派委候補知府周光緒總兵海麟督同  
兵役押解前途卽交與廣厚慶祥等隨同一併解  
京交刑部收審恭摺馳奏再高杞甫於十三日起



程赴晉係遵

疎旨緩程行走臣等當將已獲唐鬻子緣由飛札知會查朱

鹽霜雖無著落而唐鬻子已經拏獲則山西解梁

可保無事

一帶必無煽惑情事所有高杞帶領山西官兵似

具是

可卽由原路歸營免致地方百姓驚擾臣原擬將

西安滿兵令其於十五日接續起行一面知會高

杞遵

旨緩程前進於到潼關之前飛差密探如山西地方或有

蠢動情事卽可帶領勦捕如無其事則就近飭令

歸營高杞仍遵

諭旨由山西大路回京復

命可否之處應請

聖訓遵行謹

奏

嘉慶十八年十二月十六日軍機大臣字寄奉

上諭那彥成等奏拏獲要犯唐鬍子派員解赴前途交廣  
厚慶祥一併解京一摺所辦甚好唐鬍子一犯既經拏  
獲則山西解梁一帶自可保無煽惑情事此時高杞可  
以毋庸帶兵前往高杞著卽來京復命再唐鬍子已獲  
其朱鹽霜卽朱大桃一犯此間訛據馮克善供稱並無

其人因李文成號鹽霜故爾附會倡造等語此時解梁已無可查拏並著那彥成移知衡齡令其停緝

嘉慶十八年十二月十四日

奏教匪中偽稱天地人三王及八卦宮王之大頭目內

天王首逆李文成地王于克敬人王馮學禮均已

殲斃又兌宮王劉綢明震宮王宋克俊卽宋老秀

巽宮王王修治均經殲斃外茲查艮宮王劉宗順

坤宮王馮相林坎宮王尹振乾宮王壽光德亦已

殲斃又生擒離宮王王道濬已經正法是偽稱三

王八宮王之類均已盡數剿滅不漏一名又偽丞

此大所辦匪徒受不惟廣庭之孫

硃

相牛亮臣僞大將軍徐安惲現在生擒解京僞大  
元帥宋元成卽宋老占等亦已殲戮無遺其餘小  
頭目如某宮伯之類實繁有徒除殲斃燒斃外所  
有生擒各犯審明正法實在不可勝數軍營現在  
號令首級已有一萬五六千顆統俟彙齊辦理謹

奏奉

硃批刑部知道

謹按嘉慶十八年十二月十六日廷寄內奉

上諭那彥成奏將賊匪中僞稱天地人三王八卦宮王之  
大頭目均已盡數勦滅等語賊匪中僞號天地人三王

者係林清李文成馮克善三犯實在均已殲獲毫無疑  
意其牛亮臣徐安輞宋元成三犯僞稱丞相大將軍大  
元帥亦俱切實查明至於僞稱八宮王及八官伯之類  
人數繁多且往往獲犯訊問時彼此互異不可盡信那  
彥成等仍當訊明本犯名姓並質之他人詳加核對或  
擒或殲於辦畢時詳細開單具奏毋令其狡混再留餘  
孽

謹按嘉慶十八年十二月二十六日廷寄內奉  
上諭那彥成奏訛據唐鬍子卽唐恒樂供稱係馮克善  
教拳棒師傅並非傳教師傅本年白蓮教造反到伊村

莊伊因年老不能抵禦竊往附近地方伊孫被賊傷斃  
迨知縣孟屺瞻招集鄉勇伊與徒弟仝仝丁元重等先  
後赴營盤聽差孟屺瞻給過腰牌伊與徒弟並同充鄉  
勇之陳之秀等節經在酸棗林李家村周村等處先後  
拏過賊匪多名初十日破城後伊隨孟屺瞻又拏獲賊  
犯各等語據所供情節如果確實則唐恒樂竟係無罪  
之人應行省釋著那彥成傳到孟屺瞻向其訊問唐恒  
樂是否隨伊充當鄉勇唐恒樂呈出腰牌發去令孟屺  
瞻辨認是否由伊給發其隨同拏賊之處是否確實遇  
便覆奏以憑核辦

謹按嘉慶十九年正月初五日奏內

奏查唐鬍子卽唐恒樂所供曾充鄉勇之處

臣

現在面

訛知縣孟圯瞻據稱唐恒樂曾充鄉勇與全全等  
隨伊打仗殺賊是實查驗奉發腰牌實係官給並  
非捏造從前奉

旨查拏祇知有唐鬍子不知有唐恒樂之名後因奉發名  
單指明唐鬍子卽唐恒喜以喜與樂字義相同始  
經遊擊馬光宇盤查獲解等情合併附片覆奏謹  
奏奉

硃批刑部知道

嘉慶十八年十一月二十七日軍機大臣等寄奉  
上諭方受疇奏訪聞歸德府永城縣地方有匪徒多人夜  
聚晝散形迹可疑又寶豐縣與襄城交界地方亦有聚  
匪拒捕旋經竄散之事現已派委地方文武各員分投  
查辦等語永城寶豐二處聚有匪徒現在尙無蠢動形  
跡經該撫委員查拏如人數無多卽可查拏淨盡自無  
須派兵前往轉致激成事端倘該匪等竟有抗拒戍官  
情事則不可不迅速剿除永城一路與江省接壤已  
諭知百齡就近籌備外其寶豐一帶介處山谷之間著  
那彥成先行差人確探設匪徒糾集滋事本處防兵不



敷圍捕彼時滑城已經克復著卽派高杞帶兵馳往勦  
辦務就地迅速剪除毋令竄入山中致有滋蔓已諭知  
方受疇隨時知會那彥成等相機妥辦不可大意

謹按嘉慶十八年十二月初五日奏內

奏欽奉

上諭以方受疇具奏寶豐縣地方有聚匪拒捕旋經竄散  
之事飭令先行差探欽此

臣那彥成亦已派員馳往確

探近日風聞業已竄散地方無事容得確情

奏

聞

謹按嘉慶十八年十二月初九日奏內

奏方受疇前奏寶豐縣地方有聚匪拒捕旋卽竄散之

事臣奉

旨飭查當將委員偵探緣由先行覆奏嗣委員守備等得  
用稟覆查得寶豐地方係武生謝金榜窩藏匪徒  
三十餘人向隣村搶劫糧食知縣帶役往拏該犯  
等拒捕竄散現在首犯已獲并獲夥犯十數名解  
省審辦地方無事至查探永城一帶亦屬安靜等  
語頃接方受疇來信大略相同該撫現在緝拏餘  
犯審擬稟辦寶豐永城二處並無蠢動之事可以

仰慰

望懷詒

奏奉

硃批覽

謹按嘉慶十八年十二月初九日廷寄內奉

上諭前據李得水供出之馬依潮邢分二人亦稱籍隸滑縣前此那彥成所奏賊目名單內均未列入並著一體查緝務獲勿任漏網

謹按嘉慶十八年十二月初九日奏內

奏所有李得水供出之馬依潮邢分等犯等語於內通

加搜捕務獲究辦謹繕摺覆

奏奉

硃批知道了

那文毅公總統河南山東直隸軍務奏議卷三十二